

Bosna i Hercegovina  
Federacija BiH  
Kanton Sarajevo  
Skupština Kantona Sarajevo  
n/r g. Mirza Čelik, Predsjedavajući Skupštine  
n/r g. Mario Nenadić, Premijer Vlade KS  
n/r g. Draško Jeličić, Ministar privrede KS

## ZASTUPNIČKA INICIJATIVA

**Podnosim inicijativu prema Vladi KS i resornom ministarstvu da u najkraćem roku uspostavi i pokrene masovnu proizvodnju maski pri nekom od kantonalnih javnih preduzeća**

**OBRAZLOŽENJE:** Kanton Sarajevo je i prije, u sklopu mjera borbe protiv aerozagađenja i zaštite zdravlja građana od istog trebao ulagati u razvoj domaće proizvodnje zaštitnih maski sa PM2,5 filterima, bilo da se radi o javno-privatnom partnerstvu ili kantonalnom javnom preduzeću. U ovom trenutku je neophodno da Kanton Sarajevo hitno organizuje i uspostavi sopstvenu proizvodnju kvalitetnih medicinskih maski (po mogućnosti i ostale zaštitne opreme) i da preusmjeri određeni broj otpuštenih radnica i radnika iz realnog sektora tekstilne industrije ili ugroženih krojačkih obrta na proizvodnju u ovom javnom preduzeću. (Napominjem da će KS i nakon epidemije virusa imati mogućnost, ali i dužnost i obavezu proizvodnje jeftinih, za uposlenike javnih preduzeća, institucija kao i za ugrožene kategorije stanovništva - besplatnih zaštitnih maski protiv aerozagađenja u Sarajevu kao u najzagađenijem glavnom gradu na svijetu.) U ovim uslovima imamo ne samo priliku, nego i prijeku potrebu da se ta proizvodnja uspostavi. Trenutno je nedostatak jednokratnih medicinskih i višekratnih zaštitnih maski veliki problem i u najrazvijenijim zemljama svijeta. Ne možemo se osloniti na uvoz i pomoć tih zemalja ubuduće jer postoji velika vjerovatnoća da će im biti potrebne sve njihove zalihe i sva njihova proizvodnja.

Sarajevo, 04.04.2020. godine

SAMOSTALNI ZASTUPNIK

Damir Nikšić